



獨學廬三稿

晚香樓集一 古今體詩

東吳石韞玉著

七盤關感舊

秦山萬疊塞蒼冥蜀道西來若建瓴白

建瓴白

屨數家

成聚落青天一障作藩屏重經廢壘觀兵紀曾
踐危塗仗佛靈問訊抱關人識否棄繻客已鬢
生星

褒城驛疊已未舊作韻

十年詩句滿弓衣湖海豪情老去做山路春寒

晚香樓集一

花信晚潢池兵戢羽書稀一溪水暖魚知樂萬
里風高鳥倦飛誰識當時劉越石夜深清嘯坐
重圍

潼關官舍題壁

馮翊古王畿官衙向翠微有秋田峻樂無訟吏
人稀望嶽三峯近臨河百雉圍此邦風俗好擬
住十年歸

喜吳生蕪山來詩以贈之

無計求金學鑄顏頻年車馬各開闕家移蜀道
青天外客至秦風白露聞逃聽喜聞鶯出谷倦

飛常羨鳥歸山蕭郎刻燭蓮花幕百首新詩手
與刪

讀史有感二十絕句

約法三章漢業基蓋公清靜亦堪師千秋良史
龍門筆不錄長沙痛哭辭

漢代文章首過秦賈生才調軼羣倫豈無政事
陳宣室却向官家說鬼神

城南金彈逐韓嫣鄧氏銅山許鑄錢可惜容華
不敵席也隨紈扇向秋捐

漢皇置酒坐叢臺倏覩熊羆出柙來祇有婕妤

晚香樓集一

二

當路立六宮粉黛各徘徊

經術為郎滿後塵駟牙欲問更無人公車枉費
三千牘止向金門作弄臣

柏梁一炬本灾祥萬戶千門又建章何物濟南
公玉帶荒言傳會到明堂

徐福求仙事已空荆湖丹鼎竟何功獨留五利
文成革夜聽神君語帳中

燕馬臨江欲渡時謝家賭墅尚圍棋八公草木
供驅使始覺書生却彀奇

不見朝陽鳳有聲兩行仗馬各爭鳴却嗤修竹

眞無謂故借甘蕉博直名

大烹原出養賢懷議蟹評羊話亦佳一自堂餐
尚蔬筍百官多學太常齋

盧杞奸回鬼蜮同粗衣糲食亦清風鳴鐘列鼎
汾陽第却奏唐家再造功

繡嶺宮前百草芳褻游士女蹋春陽驪山樓閣
連雲起止為蓮花第二湯

孟嘗門下雍琴哀風雅平泉又劫灰何待胡榭
八百斛烟雲竹帛總生災

黃髮三公坐論臣金甌卜相擇良辰如何門下

晚香樓集一

三

中書考竟到滎陽歇後人

衆鳥爭投一目羅不求聞達亦名科朝廷偶貴
邱園帛從此終南捷徑多

金屋藏嬌鬥管絃衲衣乞食送殘年婦人醇酒
歡娛事輸到英雄劇可憐

新莽談經漢社墟熙寧扣相事夢如通人欲廢
周官法兩度蒼生誤此書

馬滑霜濃絕妙詞何人傳到九重知風流終讓
開元主容得新糶飛燕詩

負乘曾聞致寇來魏公心學世同推六軍已化

符離土主將鼙聲夜若雷
緣覺聲聞事漸訛法輪徐轉到天魔阿難不避
摩登劫佛國心傳秘密多

古北口

兩崖闢如戶襟帶古長城野水鉤盤曲沙堤輦
路平連山淡秋色落木起遺聲
聖世無中外重關不禁行

恭與中秋節

內讌紀

恩詩

禁門曉啓聽傳呼中外千官夾道趨舞到象箭
知舜樂親承萐脯出堯厨簽名引對

晚香樓集一

四

仙階近鼎食分頒

帝澤殊疎邀小臣叨與會明良如覩古唐虞

九松山寺和壁間諸公倡和韻

驂駢出塞偶停踪閑欵山門叩佛容天外雲歸
常戀樹日邊人至欲登峰客名新舊交題竹世
事榮枯尚夢松襟帶三韓形勝在蒼茫吟望獨
支筇

薊州旅店題壁

我馬從東道青山繞塞垣秋風灑水早烟樹薊
門繁笙磬聞天樂衣冠拜

寢園平生行役久攬勝又今番

偶成

手采蘋花寄所歡所歡家在碧雲端秋河清淺
纔如帶咫尺相望欲渡難
綠樹無窮雉堞西画樓高與碧雲齊仙源故迳
分明在不見當時舊酒旗

蘿莊圖為蔣伯生少尹賦

讀罷新詩念古歡參軍俊逸歷詞壇碧山屋老
牽蘿補翠袖人歸倚竹寒叵耐青齊多鈍士竟
教屈宋在衙官即今朱邑桐鄉社猶作元卿舊

晚香樓集一

五

徑看

詠水仙

山中芳草得春遲欲採瑤華慰所思冷艷不愁
梅奪寵幽香未許蝶先知生成仙骨真無耦願
託微波定有詞偏是歲寒能耐久瑣窻風靜月
明時

丁卯正月十七日偕孫淵如張萼樓兩觀

察訪躡突泉之勝追和趙松雪詩韻

印篋封時吏牘無翠微佳處共携壺夕陽瑣碎
千波暎春氣昭蘇百草枯地脉潛通泰龍井泉

聲清入濯纓湖昔賢觴詠風流在暇日登臨興
不孤

春日過田家

漸覺春寒褪山花次第開一林風解籜三月雨
迎梅老屋多因樹間庭半著苔忽驚車騎至官
為勸農耒

木蘭從軍圖四首

何事嬋娟亦請纓軍書卷卷有爺名迷離不辨
雌雄相羸得歸家火伴驚

戰伐河湟不計年明駝千里凱歌旋當時畫出

晚香樓集一

傾城貌應在凌烟將相先

鐵衣脫却玉鞭停諸將雲臺盡勒銘幾許河山
如帶礪也應封拜到雌亭

文武才難歎道窮翻教巾幗著雄風芳名合與
黃崇嘏同入辭人樂府中

丁卯六月緣事受替將入都門孫淵如觀

察餞我於滙泉僧舍即席賦別並訂南

歸之約

十年鞅掌苦勞薪豈得今朝自在身無恙雲林
應住佛有情魚鳥尚依人霜前落葉先辭樹風

裏飛花不戀茵話到故山松菊好歸田相約五
湖濱

至都後淵如和前詩見寄再疊韻答之

館閣多才似積薪逢場竿木且隨身長安日近
歸仙吏笠澤書成屬散人欲向明星袂貫索曾
經暢轍賦又茵他時一榭園邊路願駕蘭橈問
水濱

寄周素夫運判三疊前韻

文章契合火傳薪曾識彭宣衆裏身東海魚鹽
容傲吏南樓風月屬騷人良朋祖帳陳瑤席仙

晚香樓集一

七

侶同舟接錦茵俟我莼鱸歸計穩好音當報楚
湘濱

借居松筠菴四疊前韻

幽居花木未為薪彌勒同龕媿色身彈指去來
成小劫驚心老病作陳人暫依方丈安書策欲
假員蒲換繡茵十二因緣皆幻相不須多戀愛
河濱

引疾南歸五疊前韻

老學維摩示采薪金剗不壞定中身碧山久負
三生約黃土虛團六合人祖帳東門車似水班

荆南浦草如茵魚龍變化風濤裏鷗鳥忘機自
海濱

到家六疊前韻

世事如碁問積薪英雄顛倒百年身山中葯有
當歸草嶺上雲無可贈人自啟書倉尋蠹簡開
携釣竹坐苔茵不須更索金門米手采蘋花到
澗濱

寄荅蔣伯生少尹和章七疊前韻

庶吏兒孫幾負薪當官不改苦吟身碧蘿夢遠
懷佳士白雪歌清有和人識字能名千日酒談

晚香樓集一

八

經欲奪五花茵芳桐在纓終逢賞豈許琴材老
泗濱

翁覃溪先生命題法源八詠詩畫冊

不聽鐘聲已十年重尋位業詎諸天間拈枯管
酬詩債喜覩香林入畫禪色界常留花供養文
人都結佛因緣公門依舊彭宣老點點霜華到
鬢邊

書梧門前輩畫扇三首

采采菱花寄所思綠雲一朵墮湘湄故人若問
儂消息笑指游魚上竹時

綵叢青笠古元真誤向桃源一問津滿地江湖
歸未得臨淵尚有羨魚人

我本烟波舊釣徒十年夢想在尊鱸秋光正好
人猶健一片歸心向五湖

韓桂舸司寇五十初度曼丁巳壽言元韻
奉祝

大行推初祐羣公會集仙鶴觴千里醞錦字九
如篇亥筭珠盤演庚籌海屋舉誦詩聞政早讀
律致

君先問竹仍三益懸弧又十年丹霄登益上白

晚香樓集一

九

璧礪彌堅陳臬衡湘肅開藩閩嶠壽拜恩

彤闕下掌禁白雲邊盛代虞球叶名家魏笏傳
析圭豐歲玉作楫濟川船門列于公駟銘恭孔
父饘蕭齋臚茗篔米舫聚雲烟陰德如鳴耳貧
交尚拍肩椿枝欣永茂瓜瓞祝新綿佳客歡聯
襟良辰卜肆筵廷評尊正鶴士論佩章弦蘭契
山陰謝琴思海上連勛華裴相重廡讓范卿賢
贊化三台近明刑五教宣載賡介麋什重寫衍
波賤

題法時帆先生玉延秋館圖

我聞古仙人呼龍種瑤草鍊氣服玉英顏色常
美好又聞青城山蹲鴟世所寶山人餌為糧終
歲坐安飽詩龕有詩人嗜好酸醎表食古味道
腴清氣滿懷抱新起玉延館雲山四圍繞分畦
別縱橫埋根任顛倒修蔓綠雲紆繁花白雪皜
種方邵侯瓜獲等郵人稻堅白截肪同方正割
肉巧烝雲竈守嵇和羹鼎取部甘需蔗霜調辛
謝壘白搗入藥延顏齡題糕補韻藻釋名神農
闕擇術齊民討匏菴吾鄉賢與公有同好築亭
繪作圖好事石田老佳話在藝林長老尚能道

晚香樓集一

十

孔食思匏瓜曾嗜傳羊棗哲人適其性不學凡
俗矯芋分瓚師香飯笑劉公晶飲啄應隨緣豈
容世情擾萬羊官廚多半菽園叟少豐儉各有
時達人任所造寫生索迂倪吟詩逼瘦鳥試補
食品書攬者備稽考

題宋香巖雙松書屋圖

鬱鬱蒼虬吼紫瀾故家喬木惜摧殘裁成梁棟
材非易特達雲霄願亦難幸有春風常長養應
隨修竹報平安賦梅吟杏綠何事留取貞心證
歲寒

題張友樵竹笑蘭言圖

坐守圓蒲繡佛前
蘭言竹笑趣天然
偶因妙墨徵書聖
幻出幽棲入盡禪
蒼水使來傳秘錄
素心人在近斜川
太平草木閒驅使
補徧鄉媛博物篇

題陳潔夫道士畫真二首

幾載朝元侍玉晨
天生仙骨自超塵
真靈位業談何易
暫作青山獨往人

移宮換羽十三徽
此藝知音世已稀
只恐碎琴人太激
獨尋山水弄清暉

晚香樓集一

十一

題故侍御孫頤谷先生深柳勘書像卷

平子歸田鬢尚青
幾人載酒到雲亭
湖山壇坫生蒼草
奎壁文章帶柳星
地近癸辛耽著錄
日逢庚子拜遺經
故家大有書楹在
呵護天應救六丁

垂柳垂楊夾兩楹
春風鷗鷺舊同盟
一家文苑傳薪火
萬卷書城鬥墨兵
絳帳授經秦博士
青衿問字魯諸生
我今繼作西湖長
瞻望前旌欲問程

寄懷餘杭令張蔣塘明府

十八年來宦轍分重逢更惜離羣共驚鬚鬢
經時改却喜謳歌載道聞百歲大椿多愛日三
春芳草企停雲餘杭父老多藏酒應解躋堂壽
使君

游理安寺訪寒石上人二首

繞寺松篁翠接天綠陰小迳若螺旋一輪月滿
千波印七佛燈明半夜傳伏席誅茅留古刹呼
龍咒盃出靈泉上人夢想吳山好倚杖行吟夕
照邊

儒門兼善佛門空識得真如萬法同問字人來

晚香樓集一

三

梅熟後談經客坐桂香中半天花落心無染千
偈瀾翻辨不窮諦聽龍吟枯木句萬松巔上一
龕紅

湖上四首

迤邐湖南路迴巒護古城水光搖竹色巖溜雜
松聲折柳閑調馬携柑試聽鶯相逢一片石聊
與證三生

萬竹南屏麓潛公古道場烏歸青嶂寂鐘度白
雲涼一迳緣芳草數峯留夕陽三旬三度至信
美即吾鄉

繫纜茅家步祇園現化城靈山天外落神漢石
中生洞古呼猿出亭虛放鶴行此間飲水客冷
暖向誰評

問訊韜光院雲林舊結鄰尋春開士宅說法宰
官身地僻雲藏屋峰高月近人山僧命名意誓
願隔紅塵

韜光菴主屬題夢禪居士觀海圖二首

鷲嶺岌堯若可攀萬竿烟雨護禪關華嚴樓閣
莊嚴甚只在文殊彈指間

四十年華一剎那尚留清夢在雲蘿翩翩當日
晚香樓集一

三

佳公子畫到靈山鬢已皤

題孫觀察景曾江湖高枕圖二首

知君宦海收帆早風月平章到此時我亦杭州
買山住秋湖同採綠萼絲

楚江一棹儘夷猶回首湖湘憶舊游最是岳陽
風景好白雲紅樹萬山秋

題陳蓮夫進士做王石谷山水為楊補帆

作

石谷畫山水

本朝第一手楊子今畫師心契蓋已久此畫出

陳生規撫十得九烟嵐萬千疊頗自誇腴厚豈
以千金賞自享貧家帚弄斧公輸門匠心定不
苟我不識陳生楊則神交久我與沈三白六法
有所受後生張伯雅暱我呼小友兩人迷楊子
膾炙不去口芳聲耳馬熟識面緣未偶今來鳳
山住忽有欵門叟手持一軸畫精神甚抖擻口
致主人詞索我標其首畫叅南北宗變化非墨
守邱壑惟心造烟雲供驅走張我虛堂中如人
入林藪宜乎賞心人寶藏若瓊玖放言述顛末

蕪語愧壺白

晚香樓集一

十四

支硎山吾與菴圖卷為寒石上人題

勝跡不在遠所貴凡塵隔城西不甘里窈然靈
境闢莊嚴古道場疇昔支公宅其旁有茆菴林
麓更幽僻上人今築可于焉託晨夕空潭魚自
行嘉樹鳥非擇人生宇宙間去來元如客心賞
即此住緣盡還他適要知三生因寒山問片石

消寒雜詠九首

謝却門前長者車翠微佳處一樓居恨無廣廈
棲寒士幸有名山繞敞廬采藥畧通扁鵲術菴
花無習索馳書行人指點前朝迹道是嚴光舊

住閣

仙家樓閣迥超塵問訊巢由許卜鄰鏡裏烟霞
都入畫壺中歲月自長春栽成柳樹將歸隱悟
徹桃花不問津遙望滄江波萬頃可能清似在
山人

歲歲樓船苦戰征鯨鯢跋浪尚偷生共嗤灞上
如兒戲忽報壺頭喪老成諸路飛書稱斬馘何
人籌海計澄清勞師糜餉終非策應絕龜茲市
船行

十五吳姬頭有家畫船蕭鼓雜鳴茄神娥誤入

晚香樓集一

十五

行雲峽豪客常乘貫月槎鳳水一軍方化鶴錦
帆千里自移花摩登忽遇脩羅劫誰與招魂到
海涯

息夫歷詆漢公卿天道由來最惡盈金穴藏身
營不已冰山殫指勢全傾鷹鷂搏擊乘時起豺
虎貪殘自性生十載光陰如轉燭窮泉相見各
吞聲

積石洪流萬里馳歸墟無路計馬施欲掙魚鼈
登安土祇見金錢寫漏卮子防秋空聚訟阿
膠止濁孰能為疏河弗及排淮策都恐元圭奏

績遲

鄒衍談天述九州慈悲無愛墨家流鐵圍三界
輪常轉金色千身道自修執著磨埽難作鏡悟
時剝木即成舟文人別有生天業兔角龜毛不
用求

葦室親題獨學廬光陰分寸惜三餘苦緣老至
多忘事愛讀平生未見書萬卷經生空祭獮三
箋博士尚亡驢文章經世元非偶滿目粃糠孰
掃除

畢竟歸田寢食安十年空戴遠遊冠學成畫虎

晚香樓集一

六

談何易藝習屠龍試亦難哀樂聲從琴上得輸
贏局向橘中看此間佳趣誰能奪繡佛蒲團坐
歲寒

題雪竹畫幃

開向湖州問韞材一竿斜倚玉塵堆諸天法會
多花雨孤竹生年在墨胎蘭草有情堪作媵甘
蕉無罪莫相猜都緣畏暑淇園長故近袁安隱
處栽

嘉興楞嚴寺贈會一上人

世尊滅度幾千春再見靈山結集人千偈不窮

瓶寫水五燈無盡火傳薪閑栽薜蔔成香界靜
對芭蕉悟色身導引羣生修慧業居然寶筏渡
迷津

畫鷹

繁林搖落爾安歸勁翮思秋願已違飲啄不隨
凡鳥隊網羅先避弋人機一生擇木常孤立萬
里看雲早倦飛記否將軍渭城獵也曾衆裏著
聲威

偶成

築室吳山曲幽樓玩物情雙禽時並下一竹自
晚香樓集一

七

孤生水鏡浮花豔風琴倚石清門多車馬跡豈
易說逃名

趙訓導開仲余老友也今年七十賦懷人
感舊之詩一百四十章中有見懷之作
未及寄而歸道山矣其孤錄示遺草覽
之慨然因和四律寄哀

卅年臭味喻蘭修一夜深藏大壑舟七十年華
悲馬齒二三朋舊失龍頭將歸不忘平生契垂
老同驚歲月流異日山陽感嵇呂倚樓人向笛
中求

少歲相逢士禮修澄江如練好方舟芳聲不礙
桐經爨妙語能令石點頭綠竹與人皆有斐碧
桃同社總名流倚裳聯襪頻追逐喬木空山鳥
自求

松陵酬唱古歡修時繫滄浪載月舟君自談經
揮麈尾我偏橫槊掃旄頭故人雨逐浮雲散處
士星隨大火流却慟左思有嬌女零丁今向夜

臺求

先生季女余之冢婦
也亡已十五年矣

每學山陰禊事修或因訪戴共扁舟論文不讓

猗玕子置酒曾呼菊部頭百首竹枝傳舊俗一

晚香樓集一

六

家鳳羽冠諸流不將封禪留遺草祇有潛夫論
可求

奉和翁覃溪先生雲林寺題壁詩

先生手寫金剛經供養寺中並屬以新

刻詩集寄貯經藏賦詩題壁因和此篇

並邀陳桂堂同年同作

手寫曇章付梵天靈山結集舊因緣護持法藏
真如印接引迷津大願船古德莊嚴千劫在新
詩微妙一燈傳他時同證菩提果仍約飯依絳
帳邊

和韓昌黎城南詩題陸耳山先生遺草

耳山先生和昌黎符城南讀書詩以示
令子秀農洎先生歿後秀農繪和韓遺

訓圖徵詩因賦此

文章載道器名亦德之輿韓公斗山客所業在
儒書讀書究三古抗志立四虛道闡二儀外學
衍九疇初博麗宏兩京哀怨追三閭俯覽當世
士一切皆蔑如纂言烏成馬隸事獮祭魚振奇
入荒誕愛博啗空疎文苑若聚訟適供人軒渠
自矜冀北馬終作遼東豬無成等項籍虛生類

晚香樓集一

九

曹蜎笑鵬齊二鳥附蠅集三蛆古今一邱貉相
士當以居緬惟明德後達者其誰歟雲間陸士
衡胸次萬卷諸機袖由已出寧屑撫唾餘游心
姚姒代賈勇弗次且學術戒歧趨非種必與鋤
陳言掃芻狗高躅鳴金驢手和城南篇經訓闢
新畬古賢惜分陰常恐歲月除自樹士林臬豈
曳王門裾有子習庭誥蘭芽播令譽書倉積高
廩學海宗歸墟杜陵美驥子陶令責阿舒哲人
謀燕翼善誨寔愛諸道岸登必先勿使中路蹉

空谷

空谷獨幽尋孤筇訪道林漸忘行路若不覺入
山深枯樹無生意冥鴻有遠音崢嶸歲將晏風
雪助愁吟

人日雪

萬里同雲接混茫六花飛灑徧江鄉才高柳絮
終無殺春在梅花自有香天上玉龍方戰鬥世
間金虎已消亡不能竟學袁安卧寐寔題詩寄
草堂

春日過淨慈寺

蠟屐無端訪薜蘿鐘聲遙度白雲阿節過雨水
晚香樓集一

十

春波長地近雷峯夕照多黃土搏人忘舜蹠青
山卜宅問羊何鴻飛早向冥冥去回首平原盡
翠蘿

理安寺題壁

九溪環佛刹猿鳥若為鄰澗放有源水花開無
量春雲林千劫在風月四時新卻怪脩羅道多
生入轉輪

世事

世事浮雲變天心曠日明百花原共命一鷄自
孤鳴舊雨方招隱新田欲耦耕海翁機已盡鷗

鷺近同盟

山居漫與二首

歸田幸及

聖明時自斷行藏豈數竒
盤谷壽康從李愿
輞川清妙愛王維
淫聲解藉花奴鼓
危劫逃憑橘叟棋
野老不妨爭席坐
肯教人誦伐檀詩

山廚櫻筍好安排
處處尋春有客偕
水暖漸看魚潑潑
林深惟聽鳥啾啾
竹因醉日移常活
花到生朝賞更佳
十里蹋青湖上路
采茶新曲唱

吳娃

晚香樓集一

五

寒食

暖風吹綻海棠花
花外紅樓小玉家
清酒一尊寒食節
自翻新曲入琵琶

題王藝芸遺像

萬竹綠如海中有幽人居
幽人樂寂靜門無俗
士車爐香與盃茗
清供林中儲石牀
眠素琴抗懷思黃虞
昭文雖不鼓山水趣有餘
世無山嵇流誰歟同居諸

題胡秋白小檀藥室讀書圖

繞城無數碧芙蓉
偶有幽人駐瘦筇
夜靜但依

青嶂月詩成時扣白雲鐘華嚴樓閣空中現摩
詰烟雲畫裏逢久別尚留清夢在飛鴻印雪自
留蹤

戊辰述夢

嘉慶歲丁卯我尋遂初賦心愛西湖佳卜宅杭
州住有客邀觀潮扁舟海寧去海風寒中人歸
即呻吟卧迷離夢境生四山翠屏樹中有古招
提宮觀莊嚴具我現僧伽身躑躅循崖步少年
一沙彌執燈導先路舉手向我言此地公應駐
彼岸東南隅林壑多幽趣當有宰堵波佛語親

晚香樓集一

五

屬付候公住此山功德方完固我時心思維此
舉非細務四海大檀越與我多親故此緣尚易
成此果應無悞心與口相商嚙語自宣布家人
各驚呼吾亦豁然寤異哉此夢境幻相非吾素
事豈在後塵抑或在前度問天天不言百年如
旦暮

陳竹崖觀察鑑舟圖

民鑑原同水鑑清元龍湖海舊知名人經蓬島
桑常變舟在堂坳芥自輕舉眼江山窮萬里隨
身琴鶴證三生急流進退誰能主且向風波少

裴行

西湖泛月圖為董瑞峯太守作時太守將入都即以送別

平湖十里鏡函空
觴詠良宵有客同
山水詩人比西子
文章太守又蘇公
萍踪離合真如海
花命升沉總是風
此去朝天卜新寵
野夫逖聽在蘆中

雙旌謠

雙旌搖搖辟路人
白面少年乘朱輪
道旁觀者屏氣立
云是中朝執法臣
去年治獄河南道
太

晚香樓集一

五

守郊迎先進寶河隄
使者禮貌輕一紙封章達
天表財入縣官身
戍邊草索牽連及襁褓
今年星軺臨濟北
守令聞聲齒先擊
但願使君勿作威
不惜兼金萬千鎰
城西車馬喧如雷
騶卒傳呼使節來
肥甘充庖馬盈廄
百官旦夕趨行臺
守令入門望塵拜
小大之獄評價賣大獄
論萬小論千聽者遵
依不敢懈執法之臣
善弄法睚眦必報心
始快濟上人家閱閱
門仙李千年子姓繁
富者守財貧者怨訟
牘到臺達九閭米鹽
凌雜家人事曲直亦
煩使者論使者巡方
訪風

俗心知此家頗饒足弟兄通籍在金閨庫有金
銀倉有粟事權在手令便行兩造銀鐺同坐獄
膏梁子弟習宴安誰料一朝遭慘辱人道使君
折獄明使君獄憑金重輕匹夫無罪懷璧罪至
此須令谿壑盈谿壑雖深填尚易使君大慾殊
難遂十萬不足五萬餘方保兩家各無事兩家
無事各無言使者歸朝報

至尊封疆大吏多關茸微臣所讞民無寃

天子臨軒賜顏色舉朝若箇如卿直宮中府中
積弊多百事皆資卿整飭從古強梁有盡時高

晚香樓集一

五

高上天聰則卑譖人在位千夫指中外籍籍多
微詞禍機一發不可避露雷無私待時至時至
回天技亦窮百口流離五刑備緹騎到門妻子
散狼藉金繒堆滿地內而臧獲外田園一物以
上皆入官哆囉呢積一千版他物稱是不待言
天子臨軒親決問問汝譁張寔可恨平時歷詆
衆公卿汝身何自干國憲褫去朝衣赴東市朝
士咨嗟國人喜乃兄乃父皆賢良何緣出此不
才子十載

君恩忍負心家破身亡竟如此我聞韓城王相

國曾言此人心叵測青蠅所集白璧傷不宜聽
在

君王側太平宰相善知人將欲進賢先屏惡惜
哉相國老歸田坐使衣冠容鬼蜮御史大夫尚
風采漢廷頗重周昌在追鋒車出比匪人牽率
老夫如傀儡當時冰炭不相能此日飲章同得
罪有司簿錄饋金人重戍邊闕次鬼薪豈無彌
縫漏網者依然正色列冠紳

獨學廬三稿

晚香樓集二 古今體詩九十七首

東吳石韞玉著

觀阮芸臺中丞靈隱書藏賦此奉簡三首
龍威靈寶杳難求別有鄉環福地留積古似開
羣玉府崇文不讓百城侯心追白傅同千古志
在班生集九流此地天龍森護衛不虞帝勅六
丁收

開府文章許與燕清才盛事領時賢鄴侯架插
籤三萬崔氏書鈔紙八千講藝曾窺石渠秘談
晚香樓集二

經嘗借竹林禪風流再作西湖長共說當今玉
局仙

單溪夫子魯靈光手寫金經貝葉香學坐蒲團
依繡佛寄將詩卷到雲房著書同享名山壽韞
積無煩汲冢藏異日湖濡徵故實恍疑天祿觀
琳琅

題汪氏六息齋印稿

書契代結繩勒銘遍鼎鐘防偽作符璽法沿斗
檢封羸劉肇刻印紫泥錯丹彤厥後嗜古家摹
畫追前蹤竒字象蟲鳥古制蟠夔龍腕力露巧

拙心畫呈織穠塗酥白玉琢撥蠟黃金鎔異文
汗簡討利用昆刀割窪隆辨欸識行列分橫縱
夢英十八體繆篆世所宗嘗讀印人志妙手嗟
難逢汪子工鐵筆識字師冰邕書成簪花格斤
運刻楮鋒圓轉珠在握光恠星羅胸灼灼春林
花鬱鬱秋澗松上者卿相佩次亦文房供琳琅
積成帙璨若羣玉峰著書寄商榷不遺菲與葑
我少習鄙事愛古忘愚憊窮年琢山骨臚列同
璜琮不辭嘲石癖稍異供書傭撫此觸素好恍
聞谷音楚珍如金萬鎰嚴以錦十重豈云雕蟲

晚香樓集二

二

技壯夫所不容

讀任昌運廣文香杜草書跋二首

儒雅風流古鄭虔新詩一卷萬人傳鶯聲現睨
猶求友鶴壽迢遙不計年博物磨穿青鐵硯懷
賢詠到白駒篇廣文已是神仙職况在真靈大
滌天

讀罷新篇餘味長彥昇才調歷齊梁八千書紙
心常醉七十年華鬢未蒼詩骨直隨梅共瘦官
聲真與藻同芳素心更有張京兆

謂詩塘

樽酒論

文興不忘

六如詩

夢

古來六夢掌周官一枕黃梁日未殘道在莊生
嘗化蝶春生燕姑亦徵蘭蟻封安國寧能久鼠
穴乘車自覺寬多謝春婆今喚醒何當圖象傳
巖看

幻

西域傳聞有幻人每從妄屢故求真魚龍曼衍
曾逢怒猿鶴飛騰自入神二士蓮花空粲舌一
軍竊孔穩藏身橋中更有觀棊客會向瀛洲賭
晚香樓集二

三

玉塵

泡

法性如回大海瀾循環生滅總無端乍疑珠相
圓明現不比萍踪聚散難潑刺戲魚間吐沫喧
逐激石驟生湍幾時水靜流波息共作虛空粉
碎觀

影

蜩翼蛇蚺苦自封行行止止渺無蹤日宮忽掩
脩羅掌石窟常留悉達容陶令賦詩空致問李
生舉酒若相從燈前畫理誰參悟夜坐蕭齋一

笑逢

露

金莖沆瀣降三霄，呼吸潛通帝座遙。
漢室上林方獻瑞，秦風秋水尚相招。
有時天澤霑行葦，無量君恩到蓼蕭。
富貴功名都若此，須臾一點草頭消。

電

豐隆精銳走雷霆，法界淫裔列缺熒。
玉女投壺天自笑，金蛇繞斗帝常靈。
縱饒鞭策能為用，都恐光明不久停。
碧落黃泉爭激射，陰陽相薄本

晚香樓集二

四

無形

鳳凰山館圖為楊補帆題

太息揚瘋子，風流古鄭虔。
吾吾常暇豫，我我獨周旋。
蚤詠從軍樂，相傳入幕年。
掃門曾相貴，設醴穆生賢。
畫品神無逸，詩才鬼亦仙。
執冰冰勛未錄，磨盾檄曾宣。
跡託西湖長，名爭北苑先。
依劉江上賦，訪戴剡中船。
喬木三遷遂，浮家十載延。
乍營因樹屋，自辦買山錢。
種竹蘄千畝，誅茅受一廛。
盤飧忘市遠，枚餅補天穿。
掃徑元卿喜，連牆禦寇便。
鵲聲當戶報，鶯語比鄰傳。
花氣通屏

幃琴心答澗泉元戎方握髮小阮適隨肩室本
能生白亭應號草元盈樽陶令酒歷架鄴侯編
座暎冰壺月牀鳴錦瑟絃讀書今有子歸計尚
無田差喜江山助俄成翰墨緣衡門開秀野佳
客至蟬鳩水石師王宰雲峯逼巨然乃賡招隱
曲聊和卜居篇

客饋金鯽魚以盆蓄之而志以詩

始馬圍園少洋洋尺水依然蘋藻香蒙叟自能
知逸樂校人何苦太俯張城門失火殃差免滄
海乘風意未忘却笑連鰲任公子幾曾安坐在

晚香樓集二

五

濠梁

柴門臨水稻花香圖卷為何秋濤題

白沙翠竹遠周遮閒坐柴門數落花禦寇愛依
田更宿蘭成亦號野人家村無吠犬風斯古樹
有鳴蟬日欲斜我亦蘇臺同井客寄將閑話問
桑麻

更生居士挽辭

丈夫不虛生各尋不朽事其事非一端要有孤
行意昔聞洛陽生孝文世方治忽陳痛哭詞讀
者心欲悸吾友更生翁平生好岸異官為柱下

史封章無路致手草萬言書高論罔識忌授諸
執政門藉達登聞使上言補袞職下言慎名器
臚列衆公卿一寓風刺剖心志無他批鱗視
如戲

聖明日方中處士敢橫議緹騎晨在門草索繫
諸吏

國家有常刑臯陶法當寘欲殺非

堯心玉門姑投畀萬里執爨行十旬

賜環至狂言

聖人擇且作良規記誹謗既無誅芻蕘况弗棄

晚香樓集二

六

臣心天已鑒露雷教同被憶昔及第年金門出
連轡策名愧盧前論交幸王次百家方爭鳴公
獨樹一幟家藏多秘書客到問奇字每矜意氣
豪頗受聲名累著書長卿才歸田平子志仁粟
分鄉鄰智囊表童穉知公篤於親臨樂輒奔避
知公友于弟解組敦風誼公今歸道山斯人不
可二既為逝者傷撫躬亦墮淚芝焚蕙自悲物
性傷其類

山行口號

湖上春歸噪百禽六橋桃李自成林却嫌花市

繁華甚閒向山中看綠陰

題蔣于野水竹莊圖

何須避世住牆東朝市山林吏隱同自喜清涼
成世界不教熱惱到心胸二分流水三分竹四
面垂楊一面風欲識元卿舊池館好從圖畫覓
芳蹤

題懶愚和尚面壁圖

達摩住嵩高壁觀九寒暑觀壁亦何為舉世無
可語我不著言說不如且默處上人天親流寶
林傳慧炬八識辨覺知四禪微能所偶作面壁

晚香樓集二

七

圖獨坐于無侶澄心以觀空萬象一心貯觀空
空亦空六合曠無阻人壁兩相忘形忘跡不著
諸法皆歸空大化不我圍况此瓦甍等道果在
何許非壁而云壁斯義吾能舉無相有相同諸
相總土苴已得達摩髓心印佛傳汝若遇僧神
光且與安心去

初夏

門前萬木綠成行燕子歸來舊草堂謝豹啼時
春事盡王瓜生後夏畦忙野禪亦得安心法耄
學終無煮字方山靜日長經過少間扶藜杖看

斜陽

對雨二首

麥秋纔過雨連縣十日成
靈古諺傳竹下徑荒
方却掃葦間舟小更延緣
一江漸入無邊海萬
室同居有漏天尺宅寸田
吾未有癩憂還賦憫
農篇

靈山大士主陰晴處處慈
悲救苦救卧榻頻移
防屋漏行澇繼長與階平
望霓不解憂時抱引
蟻聊抒濟物情豈是司空
有佳語門前真見大

河橫

杭人禱雨祈晴必
請天竺觀音入城

晚香樓集二

八

齊北瀛編修惠琉球竹筴楊補帆為我作
翠微圖詩以謝之

卜宅吳山第一峯
小樓深隱翠微中
邦人喚我西湖長
不讓茗溪桑苧翁

當代丹青楊補之
此心解與白雲期
二豪盤薄高樓上
正是山中話雨時

客自琉球國裏回
寄將小扇當瓊瑰
清涼絕勝龍皮扇
如挾風濤海上來

蔣生炯約遊大滌洞天
余不果赴其歸也
言石壁題名有宋人
與余同姓名者因

賦詩寄之

有客親探大滌春歸來與我話良因卧游秀樂
天中境坐證莊嚴劫外身小字分明題石壁幾
生旋轉入風輪湘東試補同名錄都恐傳疑誤
後人

敘永周司馬六十壽言

檢點金蘭夙昔緣同官同里使君先書升自注
陽城考撫字曾調蜀國絃爵向武功登後顯名
從文學純中傳執冰親肅容刀隊磨盾飛馳露
布牋鏡吹競賡朱鷺曲藝林爭錄碧雞篇繡衣

晚香樓集二

九

佩玉章身艷翠羽影纓耀首鮮

帝錫頭銜曹署貴吏遵尾諾郡符專營邱報政
方三載燮道回車已十年千里純羹歸計穩四
圍竹色隱居聯謝莊風月堪名子何允山林自
樂天雅管風琴娛晚歲義漿仁粟徧同廬共推
繞膝僧虔慧更喜齊眉德耀賢禮渥朋尊嘉有
穀恩流蓮室信無偏君方息軌空山裏我亦收
帆大海邊壁水一池偕釣月瑤田十畝助耕烟
元卿竹徑尋詩近迂叟雲林讀畫便郊外品花
過北里窓前剪燭話西川盛顏矍鑠因餐菊華

胄迢迢繼愛蓮紅豆徵歌聽宛轉紫囊賭墅坐
流連乍扶鳩杖鄉閭敬並看魚軒笑語闐弧矢
早酌男子志璣衡漸度老人躔鶴知周甲添珠
算龍集先庚卜錦筵椒酒上尊稱壽愷霓裳小
部演胡旋昌辰況值

千秋節永慶依光似倥傯

簡山陰蔣光弼明府即以贈別

纔樹風聲轍已環此邦父老恨緣慳元卿竹徑
尋詩地內史蘭亭問政山百日治成書上考一
州斗大畫中間謝家子弟真如玉媿我無功未

晚香樓集二

十

鑄顏

無題四首

金屋銀環競弄姿珊瑚仙骨故差池楚顛善詈
原無怒殷妹遲歸自有時與我周旋甘獨處為
郎顛顛恥通辭牽蘿倚竹空相憶日暮風寒翠
袖知

一斛珍珠訂久要漫將羅綺鬥春嬌天邊明月
圓時少海上仙山望處遙衣敝捲還秦女手帶
寬瘦盡楚宮腰三秋三歲都虛語窈窕空山自
采蕭

靜掃蛾眉坐繡幃無端謠詠忽垂機謗多慈母
猶投杼寵極私夫亦賜衣貧女此心憂漆室良
媒何路問桃斐黃金不買文園賦自倚長門看
落暉

良宵風月可憐多靜裏書空喚奈何合掌虔心
誰識我畫眉微罪更無他花中空置婁羅歷海
內徒傳得寶歌疇昔容輝今已減那堪吉士再
婆娑

讀半山集書後二首

共道荆舒誤國臣平情尚論要求真黃扉伴盡

晚香樓集二

十一

中書食任事如公世幾人

斯人不出奈蒼生仰止東山素抱縈何事宦成
身退日一杯黃土亦爭名

畫屏四詠

羅敷採桑

使君五馬枉踟躕爭奈羅敷自有夫鳴雉有求
強衛俗寄緞無術避秦誅水邊芍藥心空許山
下蘼蕪計已愚留取芳名在彤管肯隨靜女向
城隅

韓文靖夜讌

江左君臣幕上禽台衡無復守官箴衣香霧散
珠簾薄燭影風搖盡閣深遇主非時終落拓畏
人失計蹈荒淫直教乞食歌姬院始識英雄末
路心

張果老移家

仙翁策蹇入雲霞孺子偕行艷若花蝙蝠成精
猶度世鴛鴦得耦便為家敢辭負戴勞筋骨獨
抱神通換齒牙不作金仙公主壻道人心自厭
繁華

陶穀掃雪烹茶

晚香樓集二

三

將軍羔酒錦幃中學士高寒趣不同雪壓玉堂
天自碧茶香石鼎火初紅端知柳絮才無敵重
續鸞膠句已工他日撰成清異錄好將佳話補
談叢

秋懷雜感十七首

堂堂歲月自消磨潘令閒居鬢漸皤花似麗人
傾國少山如名士過江多西山朝霽仍青靄南
浦秋深尚綠波欲反淮王招隱曲連蜷桂樹滿
陵阿

結廬依倚古城隈巢許比鄰意罔猜雀喜開門

羅未設犬噴俗士駕難迴
花開自製移春檻筆
倦思尋避債臺叅得莊生齊物旨
不知鷹木孰為才

濯纓湖水靜無波
繡斧當年彼土過
祇解當官先弊吏
邨知學道竟逢魔
地肥食盡身光減
城旦書成目論多
莫訝庭堅偏執法
殲除貪墨未曾苛

顏俗俯張不可磯
出門一步即危機
道人共慶先登岸
處子常留未嫁衣
誰解夜行禁犬吠
却因秋老慕鴻飛
卜居最是江潭好
莼熟鱸香稻

晚香樓集二

十三

蟹肥

製就新詞和惱公
人生原是可憐蟲
雲邊卿月終生魄
竈下奴星怎送窮
白馬共知言汎濫
黃雞空復唱玲瓏
龍伸蠖屈紛紜態
總在風輪旋轉中

庾信傷心賦小園桑麻不數
武陵源雨添曲沼魚招
媵風遠平疇稻有孫有酒
且判今日醉無求轉覺布衣
尊室中萬卷能銷日經史旁
行左右緡

楚國騷人愛問天
鴻濛高霞怎投箋
跼蹐水險

公無渡負黍山深僕請前韞積自忘和氏璧碎
琴安問伯牙絃司空自愛王官谷不待城南二
頃田

陸氏莊荒尚有因不圖著論到錢神問狸豺虎
常當路護鼠鴟鴞善嚇人每訝鋒車時揭揭那
堪黨論更頻頻王陽熨坂歸來後甘作荆蠻老
逸民

老至光陰擊電過歡場百戲總諳記琴當入破
聽常倦棊到將殘劫轉多畫鬼難窮吳道筆撥
雲誰奮魯陽戈吹笙衣錦當時客箇箇書空喚

晚香樓集二

十四

奈何

草堂深處絕移文鶴怨猿驚若罔聞風起林間
無靜木日高山上有閒雲重施斗帳留香母小
置團焦對墨君却怪劉安不仙去塵中雞犬太
紛紜

山公醉唱白銅鞮晚入閑閨婦子携遠志怕成
出山草幽居無復憶雲泥墮中妖夢渾忘鹿窗
下清談只聽雞屈指同時金紫客幾人投老玉
門西

一紙封章百爾驚風聲羅織太無名吹毛自詡

鷹能擊投骨原知狗必爭若遇吉人辭合寡幸
逢

鳴
明主政方平誰能大計籌軍國始信朝陽有鳳

治朝平典絕虛誣

聖主哀矜似有虞由獄險夫誇執法寢門寃鬼
訴無辜纔看繡豸臨江上旋報憇靈反海隅不
見漢庭于定國常留餘慶到遺奴

悲風蕭瑟夕陽亭歷歷衣冠此處經揚子逐貧
終自誤柳生乞巧竟何靈數竒百戰無茅土道

晚香樓集二

五

廣千秋仰德星清酒如泉人似玉醉鄉風月任
消停

擁書欲傲百城侯奚事車前羨八駟肯以雞豚
煩孟蔑任教牛馬喚莊周靈和柳昔舒青眼度
朔桃今駐白頭自掛衣冠神武後逍遙蹤跡徧
林邱

煇黃梁卯象通神筮得天山遜有因每恐獵纓
逢賈誼却教鼓柅悟靈均白雲不速常過我碧
樹無情亦昵人婚嫁隨緣惟早畢怕將兒女累
清貧

紅樹青山不我猜，幾番欲出又低徊。明知束帶腰曾折，無奈彈冠心已灰。窺日自驚駒隙晚，畏人無恐鶴書來。孤山三百梅花在，冒雪凌霜次第開。

蘭溪舟中

古驛溪山好，扁舟風月清。野黃知稻熟，潭碧見魚行。急景催年矢，孤蹤憚客程。塗人頻問訊，無計可逃名。

曉達鳳山門

一夜乘潮下，勞人倦欲休。近關頻問路，望塔喚

晚香樓集二

六

停舟築圃吳農樂，浮家越女謳。此鄉多稻蟹，生計最宜秋。

生日漫成十二首

堂堂歲月苦頻增，幸藉尊鱸慰季鷹。老去行藏當自斷，病餘述作已無能。紫雲善度無愁曲，黃菊真成耐久朋。兒女癡心祝多壽，綵絲爭買繡然燈。

一尊椒酒慶芳辰，釗動花飛四座春。德耀未衰先棄我，舒祺最少似成人。自知才拙辭官早，敢謂年高見道真。傳得蘇公三養訣，舉家安樂不

憂貧

老學還求智慧增
歸山身似脫鞵鷹
閒思客踐尋花約
老喜人諛健飯能
僧設香花祈佛祖
婦調湯餅會親朋
讀書更愛新涼好
挑盡幽窓一盞燈

佳節纔過落帽辰
秋宵風月勝如春
會稽山好堪辭世
靈寶經傳欲度人
豹隱霧中猶善變
鴻飛天外始全真
納楹萬卷藏書在
料想見孫不患貧

華年有減更無增
坐看鳴鳩又化鷹
水鏡清談

晚香樓集二

七

思樂廣風播妙義
闡廬能達觀
早悟生如寄
老學仍期壽作朋
識得本來真面目
一燈無盡即千燈

玉堂天上舊星辰
自別承明兩度春
風月且談今夕事
湖山欲傲故鄉人
客知送酒陶元亮
帝許歸田賀季真
有屋可居書可讀
不將餘蓄累清貧

白髮星星兩鬢增
何當索馬更求鷹
六州聚鐵愁成錯
八月觀濤病未能
學道胸中消妄想
論交方外絕淫朋
掃除十種仙人業
但守楞嚴第

一燈

無妨磨蝎守生辰
幸值清時樂壽春
賈島鑄金呼作佛
女媧弄土戲搏人
早辭魏闕聊藏拙
小葉衡茅自養真
但願世為清白吏
何妨曲逆竟長貧

洛陽紙價為誰增
筆健秋霄學習鷹
直是愛閒無善病
敢言少賤故多能
南宮石癖招偕隱
東野詩鳴慶得朋
祈我華年宜此酒
夜闌吹笛更呼燈

行樂須知貴及辰
林塘花月一家春
鑑湖

晚香樓集二

六

帝許容狂客
笠澤天生是散人
計拙自藏龜
手藥心癡頻
寫虎頭真綠
蔬紅稻山中足
大塊由來善饋貧

酒債書逋莫不增
欲驅鷲雀苦無鷹
臨淵頗識游魚樂
伏櫪難言老驥能
散木扶疎應不夭
大樽瓠落本無朋
近因結集華嚴藏
如向昏衢獲智燈

江鄉搖落感蕭辰
誰折梅花寄小春
居室苦求錢使鬼
臨池甘受墨磨人
靈機變化枯碁活
妙語縱橫賈鼎真
藉得監河常餉粟
也愁無濟漆

園貧

孤鴈二首

慈恩塔下舊知聞，萬里扶搖意始勤。
霄漢將翮旋失路，羽毛自愛欲離羣。
曾傳塞上三秋信，空帶衡陽一片雲。
寥廓冥冥無處所，弋人何事苦紛紜。

鴛鴦為耦雉為媒，恠爾孤飛響特哀。
八陣風雲空想像，萬重關塞獨歸來。
須知遠舉終无咎，未必能鳴便是才。
久欲讖除文字習，尚留一點近三台。

晚香樓集二

九

落葉三首

歎息淮南木，落初秋聲蕭瑟滿林於。
心追夏綠渾成夢，指望冬青願已虛。
括地疾風誰護汝，空山明月更愁予。
西窗獨有讐書客，一度思維一掃除。

騷人蕉萃楚江頭，溝水東西一葉流。
自與哀蟬同寫怨，都緣病樹不禁秋。
丹黃糝雜仍爭艷，風雨漂搖始欲愁。
桂柏凌寒知已晚，荒林何地可埋憂。

萬綠凋傷霜露寒，后皇嘉樹惜摧殘。
世間木德

成先退天外風灾避最難百丈歸根如有約三
年刻楮太無端婆娑生意今銷歇權向蘭成賦
裏看

周廉堂少宰使院觀劇有感二首

曼衍魚龍祖偃師人情好恠類如斯雪車冰柱
徵詩苦露犬紈牛入畫竒香捲白波行酒容光
搖紅燭出門時都緣公瑾如醇意香燼燈殘坐
不辭

統統畫鼓報轅門秩秩賓筵笑語溫自昔逢人
常說項卽今送客尚留髡狂來吞海心猶在興
晚香樓集二

下

到談文舌莫捫却念種桃前度客雞竿曾否沛
新恩

金門宮保方
在請室故云

讀李墨莊員外詩卷書後四首

江上秋山接翠微使君於此駐驂駢路人尚識
當年貌曾著麒麟一品衣

朱邑桐鄉念未休錦江消息每沈浮無人可話
巴山雨讀子新詩當卧游

零落長安舊酒人山邱華屋各沾巾忽驚鶴化
秦川客但願耿蘭報未真

詩中有哭楊蓉裳之
作不知日月猶冀其

耳訛傳

神武歸來歲兩更鏡中勲業歎無成西湖儘有
開風月留我相羊過此生

題楊補帆仿王石谷吳江秋色圖卷二首

萬里山川意倦游歸來高卧舊林邱愛君筆墨
蕭疎甚畫出垂虹一段秋

三王妙跡冠東南謂烟容圓照麓臺石谷清竒更出藍

董巨替人今不遠雲容石色許窮探

孟冬之晦大雪寒石上人折柬相招山樓
信宿即事成篇二首

萬里同雲望轉遙六花飛舞碎瓊瑤將從謝客

晚香樓集二

五

尋詩去忽報林公折柬招鶴語荒寒心自訝虎
潛幽隱氣弥驕香南雪北靈山在靜夜挑燈話
寂寥

天工游戲本無猜花雨彌空四面來大地化成
銀世界靈仙常住玉樓臺田間占歲應宜麥林
下尋春未見梅一片清涼真淨土問從何處著
塵埃

煮雪

誰道紅爐點雪竒儒冠梁肉本非宜乍携箕帚
循墻角不假餅壘向井着潑乳茶香生齒頰饒

冰風味沁心脾南朝更有燒銀客舉示貧夫亦
療癩

賞雪

煮酒蒸羊事已麁山家風味與人殊豐年價等
千金壁豪客歌償一斛珠佳日晴時思內史小
樓聽處問凡夫聰明應遇知音賞夢見神僊冰
雪膚

詠雪

漠漠銀雲萬里同仙心白戰錦囊中尖義韻鬥
蘇公險圍散歌傳中叔工郢客落梅方刻羽謝

晚香樓集二

三

庭飛絮妙因風晚來更覓詩中畫蓑笠孤舟獨
釣翁

泛雪

蓬牕窻窄糝瑤塵夜靜天寒孰問津兩岸微茫
鴻印爪一舟搖盪鶴隨身江干畫本臨摹得剡
曲風流想像真却羨苔溪蓑笠客蘆花深處獨
垂綸

夜宿理安方丈呈寒石大師

學佛先尋出世因茫茫六合一微塵觀河迅速
徵賢却指月清凉悟色身說法游魚常出聽忘

機猛虎自能馴即今彌勒同龕住幾度拈花笑
向人

聞劉金門遣戍黑龍江賦詩奉寄無懷邱
芝房六丈二首

歎息人間磊落材文章聲價在鸞臺每因疾惡
招蜚語誰料憐才釀禍胎士論共明懷璧罪
主恩早卜賜環回白山黑水窮邊地幾輩南冠
向此來

塞外交游更有誰江南才調憶邱遲蓬山作賦
知名早瘴海從軍奏績竒墨吏攫金偏有術書

晚香樓集二

五

生毀玉竟無辭清時頻聽雞竿詔何日

恩波及海湄

僧舍探梅

十笏茅菴枕水濱冰霜深處可尋春佛為大衆
慈悲父花似空山寂寞人吠犬迎門驚客至游
魚生釜識僧貧曾經蘆蒿林中住觀色聞香不
著塵

題菫香小影兼調伯冶二首

鑲窗開處一輪圓記得吳剛八月年共道鳳凰
曾此宿桐花竹實尚依然

風流獨有張京兆畫出新眉十樣工
聞訊錦屏人妬否平添采伴入門中

韓桂舫中丞過杭見訪率賦并懷張菊溪

尚書

旌節花開到澗槃野人久脫遠遊冠
劇憐鐵券功名大稍覺珠崖道路難
澤國有戎偏伏莽書生無策贊登壇

尚書今春曾折柬相招余病不能赴也

樓船將士

同袍在何日蒼黎衽席安

圭峯圖為顧景岳太守作

幽人愛住湖山曲萬綠中間拓茆屋
特開講肆

晚香樓集二

五

在名山書堂正對圭峰麓執經弟子三百人
絳紗圍繞人如玉先生心醉六經中藝林拱手推
尊宿崔子手抄八千紙李侯架度三萬軸更將
餘事入吟牋含毫日飲湖光綠憶昔金門聯步
年曾校秘書坐天祿三館人才誰最先公是當
今鄭與服一麾出守向海南歷盡大都與通谷
萬里歸來文益竒搖筆珠璣即滿幅世事白衣
變蒼狗廿載光陰如轉燭公今移家住翠微我
亦城南成小築每因問訊折疏麻片片瑤華許
相續清游常拍洪崖肩博聞共讓孝先腹振衣

亭子高入雲烟霞供養平生足安用車前擁八
騶山水友朋亦清福

巳巳除夕

爐中商陸送餘寒又是光陰一歲完竹火喧騰
祛故鬼桃符更換當新官花飛小海應含笑酒
餉中山自合歡卅載宦游今已倦不須重整切
雲冠

晚香樓集二

三五



